

Аллоҳ таоланинг валий бандаларидан бўлишимизга сабаб бўлувчи 10 та амал



11:00 / 21.01.2021 3619

(биринчи мақола)

Аллоҳ аzza ва жалланинг муҳаббатига эришишга сабаб бўладиган амаллар кўп. Ибн Қаййим раҳимаҳуллоҳ «Мадорижус соликийн» китобларида қуйидаги амалларни зикр қилганлар.

Биринчи амал

Қуръони Каримни, унинг маъноларини тадаббур, тафаккур қилиб қироат қилиш. Чунки, барча азизлик ундадир.

Аллоҳ таоло Қуръони Каримда шундай деб марҳамат қилган:

بَابُ الْأُولَىٰ وَرَكَدَتَيْ لَوْ وَتَايَا أَوْرَبَّ دَيْلُ كَرَابُ مَ كَيْلُ إِهَانُ لَرَنَ أَبَاتِك

«Биз сенга нозил қилган Китоб муборакдир. Ақл эгалари унинг оятларини тадаббур қилишлари ва эслашлари учундир» (Сод сураси, 29-оят).

Қуръонни, ундаги сураларни яхши кўриш орқали Аллоҳ таолонинг муҳаббатига сазовор бўлинади.

Оиша розияллоҳу анҳодан ривоят қилинади:

Расулуллоҳ соллаллоҳу алайҳи васаллам бир одамни аскарларга бошлиқ қилиб ҳарбий юришга жўнатди. У лашкарга имом бўлиб намоз ўқиб берарди ва ҳар ракатни «Ихлос» сураси билан тугатар эди.

Юришдан қайтишгач, имомнинг бу ишини Пайғамбаримиз соллаллоҳу алайҳи васалламга айтиб беришди. Расулуллоҳ соллаллоҳу алайҳи васаллам: «Ундан сўрангларчи, нега шундай қиларкин?» - дедилар. Саҳобалар ҳалиги бошлиқдан сўрашди. У: «Чунки Ихлос сураси бу Аллоҳнинг сифатидир. Мен уни ўқишни яхши кўраман» - деди. Расулуллоҳ соллаллоҳу алайҳи васаллам: «Унга етказиб қўйинглар, Аллоҳ азза ва жалла ҳам уни яхши кўради», дедилар.

Имом Бухорий ва Муслим ривоят қилишган.

Аллоҳ таоло бизни яхши кўришини истасак, Қуръони Каримни севиб, ихлос билан тиловат қилайлик!

Нозимжон Ҳошимжон тайёрлади